


Til: Framkvæmdastjórnar Landspítala
Frá: Miðstöð um skilvirkt flæði
Dags: 12. apríl 2012


Efni: Sumaráætlun Landspítala 2012

Sumarlokarnir 2012 verða með nokkuð svipuðum hætti og sumarið 2011 eða sem nemur 20% af virkum legurýmum þegar mest er. M.v. 1. apríl 2012 eru 674 virk legurými á LSH. Í sumar verður mest lokað 136 legurýmum en þá verða 538 legurými til ráðstöfunar en voru 544 sumarið 2011 (sjá mynd 1). Almennt má segja að lokanir séu flæðinu hagfelldari en verið hefur undanfarin ár. Mestu lokanirnar eru í viku 28-31 en þær standa skemur en 2011 (sjá mynd 2). Munar þar mest um heldur minni og styttri lokanir á lyflækningasviði og sérstaklega að 7 daga deildum ásamt hjúkrunardeild á Landakoti verður haldið opnum. Geðsvið lokar heldur fleiri rúmum en í fyrra en önnur svið eru á svipuðu róli með sína sumarstarfsemi.



Mynd 1 – lokuð rúm sem hlutfall af heildarrúmfjölda

Byrjað verður að loka fyrstu rúmunum um 10. júní og ná lokanirnar fram til ágústloka. Mesta lokunin verður í byrjun júlí og fram yfir verslunarmannahelgi (sjá mynd 2).



Mynd 2 – dreifing rúmalokana yfir sumarið

Á skurðlækningasviði verða 18 rúm lokað í 9 vikur á Hringbraut frá 20. júní til 20. ágúst, en þá sameina deildir 12G og 12E starfsemi sína á deild 12E. Í Fossvogi verða 18 rúm lokað í 10 vikur frá 11. júní til 20. ágúst, en þá sameina deildir B6 og A4 starfsemi sína á A4. Skurðstofur draga saman starfsemi frá 4. júní til og með 31. ágúst (sjá mynd 3). Samdráttur verður á valkvæðum aðgerðum á því tímabili eins og verið hefur á liðnum árum. Á gjörgæsludeildum verður óbreytt starfsemi. Sama gildir um GÁT teymi og eftirfylgd. Vöknun í Fossvogi verður lokað að næturlagi yfir hásumarið. Öllum

bráðatilfellum verður sinnt af gjörgæsludeildinni. Vöknun á kvennadeild verður einungis opin frá kl. 08:00 – 16:00 yfir hásumarið.

	Fossvogur	Hringbraut	Kvennadeild	Samtals skurðstofur
04.06-15.06 (2 vikur)	4	4	2	10
18.06-17.08 (9 vikur)	3	3	2	8
20.08-31.08 (2 vikur)	4	4	2	10

Mynd 3 – fjöldi opinna skurðstofa

Augndeild Eiríksstötu verður lokað frá 9. júlí til 7. ágúst 2012. Aðkallandi þjónustu verður sinnt á göngudeild og bráðaaðgerðum á skurðstofu á Hringbraut. Á þessum tíma verður sjúklingum sem eru að fá lyfjagjafir í auga sinnt á dagdeild 13D. Blóðbankinn dregur saman starfsemi sína þannig að blóðbankabíllinn verður ekki starfræktur í 10 vikur, frá miðjum júní til loka ágúst. Ekki verður safnað, unnar eða gefnar stofnfrumur í um 6 vikur yfir hásumarið – í samráði við blóðlækningadeild. Þá verða HLA flokkanir og mótefnaskimanir unnar eftir þörfum yfir hásumarið.

Á lyflækningasviði verður mest lokað 47 rúmum um 6 vikna skeið miðað við að mest fóru lokanir í 85 rúm sumarið 2011. Á Hringbraut verða allar legudeildir sviðsins opnar með samtals 81 rúm. Hjartagátt verður opin en dagdeildin verður lokað frá 11. júlí til 24. ágúst. Samdráttur verður í starfsemi hjarta-og æðapræðinga með takmörkuðum innköllunum og verður þar einungis bráðastarfsemi frá 16. júlí til 15. ágúst. Göngudeildarstarfsemi verður dregin saman eftir föngum. Í Fossvogi verður gangi A2 með 15 rúm lokað frá 25. júní til 13. ágúst. Á A6 loka svefnrannsóknir frá 15. júlí til 6. ágúst. Göngudeildir og dagdeildir draga saman starfsemi eftir föngum. Á Landakoti lokar L3 (5 daga deild) frá 18. júní til 17. ágúst og dagdeildin lokar frá 9. júlí til 10. ágúst. Allar 7 daga deildirnar og hjúkrunardeildin á L2 verða opnar. Á Grensá verða lokað 8 rúm á legudeildinni frá 23. júní til 13. ágúst. Dag- og göngudeildarstarfsemi verður óbreytt. Líknardeildin í Kópavogi verður með 8 legurými opin í sumar en von er á aukningu þar með haustinu.

Á geðsviði verður einni bráðadeild, deild 32-A, lokað í 4 vikur í júlí. Þá lokar 5 daga deildin 13A á Kleppi frá 30. júní til 6. ágúst. Dagdeild átröskunar lokar í 11 vikur frá 11. júní til 31. ágúst. Hvítabandið lokar í 5 vikur frá 2. júlí til 6. ágúst.

Á kvenna- og barnasviði verða barnadeildir 22E og D reknar saman á E gangi í 14 rúmum frá 18. júní til 26. ágúst. Dagdeild barna verður lokað frá 23. júlí til 9. ágúst. Barnageðdeild verður lokað í 11 vikur frá 10. júní til 18. ágúst og starfsemin sameinuð unglingageðdeildinni. Göngudeild BUGL verður lokað frá 9. júlí til 6. ágúst. Á kvenlækningadeild 21-A verður 7 sólarhringsrúmum lokað um helgar frá 18. júní til 20. ágúst og dagdeildin lokar alveg frá 23. júlí til 9. ágúst.

Sjúkrahótelið verður með 29 rými opin í frá 1. júní til 31. ágúst.

Innlagnavakt mun starfa með hefðbundnum hætti í sumar með vaktir til kl. 20 virka daga og frá 10-22 um helgar og almenna frídaga.